



I Banga
Ioku - 1

Incwadi Enkulu yezindaba ezincane

ISIZULU



basic education

Department:
Basic Education
REPUBLIC OF SOUTH AFRICA

Incwadi yoku -

8


Isetshenziswa kanjani Incwadi Enkulu:



Izindaba ezikule ncwadi:



1 U-Ann uya kudokotela



2 UBusi uthenga ibhayisikili

1

13

Njengothisha, kuzodingeka uzilungiselele ukwenza isifundo sokufunda ngokuhlanganyela nekilasi lakho. Ngokujwayelekile, uma kufundwa ngokuhlanganyela wena thisha usebenzisana nekilasi lonke; kanti uma lilikhulu kakhulu kudingeka ulehluwanise amaqembu amancane, noma-ke usebenze nengxene yalo. Kumele uqiniseke ukuthi abafundi bahlala benze isiyangi bayibone kahle Incwadi Enkulu ukuze bakwazi ukufunda kalula okubhalwe kuyo.

Encwadini Enkulu umfundu ufunda ukubamba incwadi, ukuyimisa kahle, kanye nokuphenya amakhasi ngenkathi kufundwa ngokuhlanganyela. Nendlela okufundwa ngayo umfundu uyaqequesheka ngayo, kuthuthuke ikhono lokulalela, lokukhuluma, lokufunda imibhalo, lokucabanga nelokubhala, njengoba kubalula iCAPS:

- Ukuthuthukisa ikhono lokulalela nokukhuluma.
- Ukuthuthukisa ikhono lokufunda kwabasaqala.
- Ukuphendula imibuzo emayelana nendaba.
- Ukuzibandakanya ezingxoxweni nalapho kukhulunya ngokudedelana.
- Ukudweba, ukulingisa indaba.
- Ukusebenzisa izithombe ukuqagela ukuthi indaba imayelana nani.
- Ukufunda ngokuhlanganyela ukuze kuthuthukiswe ukubhala ngokuhlanganyela.

Ukulungiselela ukufunda Incwadi Enkulu

- Qiniseka ukuthi bonke abafundi bayayibona incwadi. Uma ikilasi lakho lilikhulu, yakha iqembu elincane usebenze nalo.
- Kuzodingeka wenze uhlaka ozomisa ngalo incwadi ukuze uvike ukuhlala uyibambile ngenkathi kufundwa. (Bheka imiyalelo yokwenza uhlaka lokumisa incwadi ekhavni ngemuva.)
- Sebenzisa irula ukukhomba nokulandela amagama ngenkathi ufunda.
- Uma ufuna ukugqamisa amagama athile, sebenzisa amabhamuza enkulomo ukokelezele igama ngawo, noma usebenzise esikubiza 'ngephepha elinefasitela'. Ungakwenza lokhu ngokusika iphepha libe ngunxande, bese usika unxande phakathi nalo wakhe ngawo ifasitela, bese leli phepha ulibeka phezu kwamagama ukuze kugqame igama eliodwa ngesikhathi.

Ukfunda ngokuhlanganyela kokugala

Ingxene yokuqala kulesi sifundo ibheka kakhulu ukuthi abafundi bayakujabulela yini ukufunda 'nokubona' umbhalo okokuqala, lapho abafundi kudingeka khona bakhombise ukuzibandakanya ngamunye ngamunye.

- Phenya amakhasi endaba ezofundwa udlulise amehlo. Xoxa ngezithombe zayo.
- Cela abafundi baqagele ukuthi indaba imayelana nani ngokulandela izihlokwana kanye nezithombe.
- Yethula amagama alukhuni namasha ngaphambi kokuthi abafundi bayifunde indaba.
- Yenza amakhadi amagama uwasebenzise ukwethula ulwazimagama.
- Yifunde indaba usebenzisa izimo ezahlukahlukene zobuso uphinde uguquguqule izwi, ubuye ufunde ngokushesha. Sebenzisa izitho zomzimba kanye nezimo zobuso ngokuziguqla njalonjalo.
- Sebenzisa induku noma irula ukukhomba amagama ngenkathi uwafunda ukuze abafundi babone ukuthi ufunda kuphi, bakwazi ukunamathisela umsindo wezinhlamvu ngokufanele ekhasini. Lokhu kuzobasiza ukuthola ukuthi kufundwa kusukwe kwesokunxele kuyiwe kwesokudla, kanti kuqalwa phezulu kuyophunywa phansi.
- Sebenzisa lokhu ukwethula 'ulimi lwencwadi': amagama, imisho, ikhasi, umbhalo, isihloko, njll.
- Dedela abafundi bazibandakanye nendaba ngokuthola ithuba lokungenelela (njengokuthi badedelwe bamemeze uma mhlawumbe kuthiwa "Gijima, gijima, gijima kakhulu, ngeke uze ungibambe kodwa mina – ngiyindoda eyisinkwa sezimanga!") uma kukhona lokhu embhalweni ofundwayo.
- Kumele kufundwe indaba efanayo izikhathi ezimbili noma ezintathu ukunikeza abafundi ithuba lokuqonda amagama angaba yidlanzana, ukulingisa izinto ezenzeka endaben'i noma ukuphinda baxoxe izingxene zendaba bazethule ngawabo amazwi.

Ukfunda ngokuhlanganyela kwesibili

- Lapho sekufundwa okwesibili kudingeka kusetshenziswe umbhalo ofanayo, bese kubhekwa kakhulu ukuzibandakanya kwabafundi ngokuthi uthisha axoxisane nabo ngenhlosi yokuthuthukisa ulwazimagama, ukuqonda izakhiwo zamagama (ulimi, ukusetshenziswa kwezimpawu, njll).
- Kukuwe thisha ukuthi ubheke kakhulu izinto ezifana: nokuma kwemibhalo, ukwakheka kwemibhalo, imisindo, ulimi, ukubona amagama athile kanye namazinga ahlukahlukene okuqonda imibhalo (ukuhleleka, ukuthi amagama aqonden'i, ukuwacwaninga kanye nokubuza imibuzo ekhombisa ukulangazelela).

Ukfunda ngokuhlanganyela kwesithathu

- Uma sekufundwa okwesithathu, abafundi kumele bazifundele bona uqobo, baxoxe baphinde babhale imisebenzi yokwenziwa ngombhalo abawufundile.
- Uma kuvuma, Ukufunda Ngokuhlanganyela kumele kubambe iqhaza ekwenzeni ngcono. Ukubhala Ngokuhlanganyela, lapho uthisha ekhombisa khona ukuthi kubhalwa kanjani, abafundi babhale ngokwabo nabo ngenkathi uthisha elokhu ebahlola enza namanothi. Lokhu kukhulisa abafundi uma kufika isikhathi sokuzenzela ngokwabo imisebenzi ebhalwayo.

1

U-Ann uya kudokotela



Namuhla u-Ann uyagula.

Uzizwa eshisa nje.

Utshela uBobo uthedi wakhe uthi,
"Ngiyagula. Ngizwa ngishisa nje."





UMama uhambisa u-Annkwadokotela.

UMama utshela unesi ukuthiu-Ann
uyagula.

“U-Ann uyashisa impela,” kusho umama.
Ngokushesha, udokotela ubiza u-Ann.

"Sawubona Ann, uzipwa unjani?"
kubuza udukotela.

U-Ann utshela udukotela ukuthi
uyagula. Udukotela utshela u-Ann
ukuthi uzomhlola.





"Ake sibone ukuthi usinda
kangakanani," kusho udukotela.

"Kuhle, ungamakhilogramu
angama-25," kusho udukotela.

"Ake sibone ukuthi umude
kangakanani," kusho udukotela.

"Ungamasentimitha ayi-125,"
kusho udukotela.



Udokotela uthinta isisu sika-Ann.



Asibuhlungu.

Udokotela walalela isifuba sika-Ann.



Udokotela uhlola umlomo ka-Ann.



Kwakungebuhlungu

Udokotela uthi ku-Ann, "Uyagula.
Uphethwe wumkhuhlane. Ngizokujova
ngikunike nemithi."

Udokotela ujova u-Ann. Kubuhlungu
kancane.

"Eshu-u-u-u!" kukhala u-Ann.



U-Ann ucela udukotela ukuthi asize
uBobo.

“Dokotela, uBobo uyagula naye,”
kusho u-Ann etshela udukotela.

“Bobo, uyagula nawe?” kubuza
udokotela.

Udukotela walalela isifuba sikaBobo.



Kwakungebuhlungu.



Udokotela wayesenamathisela
ibhandishana emlenzeni kaBobo.

“Manje uzozizwa usungcono, Bobo,”
kusho udokotela.

Udokotela wanika u-Ann umuthi.

U-Ann kumele aphuze ithisipuni lomuthi kathathu ngelanga.

Wabuye unika u-Ann uswidi.

"Uyintombazana enesibindi, Ann," kusho udokotela.

"Ngiyabonga, dokotela," kusho u-Ann.

"Dokotela, ngicela uswidi kaBobo."

"Kulungile uzowathola".



2

UBusi uthenga ibhayisikili



uBusi wayekade efunu ukuthenga ibhayisikili. Ngomunye uMgqibelo wahamba noPhumi bayu esitolo samabhayisikili. Esikhathini esifushane nje, uBusi noPhumi base bemi eduze kwebhayisikili ababelithanda bobabili Laliphinki ngokukhanyayo! Bobabili base beke baligibela belizwa, lalihamba kahle.

"Phumi, lihle leli bhayisikili.
Ngifisaukulithenga." kusho uBusi.

Lalibiza iRI20 kanti uBusi wayenamaR50.
"Imali enginayo icishe yenela ukuthi ngilithenge leli bhayisikili," kucabanga uBusi.

Kwathi lapho uBusi ehlanganisa iminyaka eyi-q, umalume wakhe wamupha amaR50.

UBusi wacela uyise ukuthi amuphe amaR20.

""Ngizokunika amaR20, kodwakufanele usize engadini kuqala" kusho uyise.

UPhumi wathi, "Masiqale, Busi."

UPhumi wamsiza uBusi esivandeni. Basusa amahlamu banisela izitshalo.


"Ngiyabonga ngokungisiza, Phumi," kusho uBusi.

Basuka ngejubane sebeyothenga ibhayisikili, uBusi elokhu ebambe isikhwama sakhe semali.



Amantombazana akujabulela
ukuhamba ngamabhayisikili. Ngelinye
ilanga esahamba
ngamabhayisikili ...

Oh! Phumi,
kumnandi
ukugibelisana
kanje.



Yebo Busi, kumnandi ukuhamba
ngamabhayjisikili. Ngiyajabula
ukuthi sobabili sinamabhayjisikili.




Phumi, lalela.
Ngizwa
ukukhala
kwekati.




Yebo! Bona – yikati libambeke
ngomsila ocingweni.




Oh, katshana
elincane!



Sizokwenzani ngalo?



Ngiyajabula ukuthi silisindisile
ikati. Umninilo uyalithungatha,
ngiyacabanga.



Ngibone iphosta yeKATI
ELILAHLEKILE eduze
kwesikole. Ngilandele siyoyibona.



NGILAHLEKELWE


Ngilahlekelwe yikati elimhlophe,
igama lalo nguHlophe.

Uma ulithola shayela uBonisile
ku-012 345 6789



Ngizoza ngizolilanda.

UBusi wabeka ikati ngokucophelela kubhasikidi webhayisikili lakhe eliphinki, waya nalo ekhaya. Wasuka lapho washayela uBonisile ucingo. Wafika masinya uBonisile ukuzolanda ikati lakhe ayelibiza ngoHlophe. Bajabulelana bobabili, yena nekati lakhe.



Siyakwamukela kulolu chungechunge IweZincwadi Ezinkulu. Incwadi Enkulu lena ingxene yezincwadi ezisohlwini olubizwa ngeRainbow Series, okukhona kuyo izincwadi zokusebenzela, isilulu sezindaba nezinkondlo, amaphosta kanye nezincwadi ezihlelwe ngamazinga ehlukahlukene. Sethemba ukuthi uzozithola zilusizo izindaba ezahlukahlukene ochungechungeni lwalezi Zincwadi Ezinkulu eziyishiyagalombili ezibekelwe leli banga. Kulindeleke ukuthi abafundi bakho bakuthokozele ukufunda ngokuhlanganya. I-CAPS, Emabangeni Aphansi iphawula ukuthi kubalulekile Ukufunda Ngokuhlanganya ekufundiseni ukufundwa kwemibhalo. Ukufunda Ngokuhlanganya kuvame ukuthatha izinsuku ezimbili kuya kwezine esontweni ngalinye lapho umfundi ngamunye efunda khona umbhalo ofanayo. Izincwadi zokusebenzela, ndawonye nezincwadi ezihlelwe ngokwamazinga, kulungiselwe ukufezekisa yona le ngxene yoku funda.

Nokho-ke, ukusebenzisa Incwadi Enkulu enamagama amakhulu lapho fundwa ngokuhlanganya, kuyindlela enle kakku lu ngoba abafundi bakwzi ukubona amagama nezithombe, bakulandele ngenkathi ufunda, lokhu kwenzeke ngendlela efanayo nangenkathi izindaba zisaxoxwa. Kubalulekile ukuthi abafundi bahlale bakhe isiyangi bakokelezele Incwadi Enkulu, ukuze bawubone futhi bawufunde kahle umbhalo wayo. Amagama amakhulu akule ncwadi asiza ukuthi kufundeke kalula ngokuphumisela ukuze kuzwe abafundi abaningi ngesikhathi esisodwa esimeni esikhululekile nesejwayelekile.

Izincwadi ezinkulu kulolu chungechunge zethula kubafundi izindaba ezahlukahlukene, izinkondlo, imilolozelo kanye nemidalo okuhambisana nolwazi kanye nemibhalo enezithombe.

Umsebenzi wakho njengothisha ukwenza izindaba ziphile ngenkathi ufundela abafundi, zijabulise, zibe noggozi. Ukusebenzisa Izincwadi Ezinkulu kwenza ukufunda kuthokozelwe nguwe kanye nabafundi ngokufanayo. Sethemba ukuthi le ncwadi izokusiza kulo kku.

Eminye imibono ngokufunda Incwadi Enkulu

- Sebenzisa ipulastiki ukwemboza Incwadi Enkulu. Kuyamsiza umfundi kanye nothisha lokhu ukuba abhale kukho.
- Bhala ngepeni elisuleka ngamanzi kulesi sembozo sepulastiki.
- Sebenzisa iphegi ukunamathisela ipulastiki encwadini enkulu.

ISBN 978-1-4315-2972-8



ISBN 978-1-4315-2972-8

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Zenzele olwakho uhlaka lokumisa Incwadi Enkulu

Nakhu ozokudinga:

- Ikhadibhodi elinobubanzi obulingana nobeNcwadi Enkulu (594 mm) kanye nobude obuphindwe kathathu (1360 mm).
- Itheyiphu yokunamathisela
- Amaphegi amabili okunamathisela ikhadibhodi.

Sebenzisa itheyiphu yokunamathisela ukuhlanganisa izingcezu zekhadibhodi.

Goqa ikhadibhodi ulenze uhlaka bese ubamba iphansi lalo nengaphambili ukuhlanganise njengoba kukhonjiswe emdwebeni.

